

Topico di conversacion

ABC:

E ruido despues di carnaval

Mientras e temporada di Carnaval a termina, e ruido di e Festival di ABC a keda atras. E resultadonan bochoroso den tur sentido y e suceso di e anochi, cu a pone emocion bay halto. Emocion, cu a worde comparti pa tur hende na Aruba, cu kier mira Aruba sobresali. Emocion tambe cu na e promer momento ta stroba di mira loke mester worde mira.

Cu loke a pasa por a socede, no ta nada nobo. Durante e promer contest di ABC mescos a pasa y e aña aki el a worde ripiti. Di e cinco cantantenan di Aruba, ningun por a haya e chens pa yega final y loke a socede tabata un bofta den cara di Aruba, cu na nos parecer, mester a actua otro ora e resultado a keda entrega.

Ora Aruba a mira cu ciegame te tur cantante di Curacao a haya 100 y di Aruba a haya 40, e representantenan di Aruba den organisacion di e festival, mester a nenga di acepta e resultado. No mester a permiti e festival haya un final normal, pero mester a denuncia e suceso di biaha y muestra cu e veredicto di hurado no ta un veredicto, pero wega y cu no ta acepta e humiliacion, cu wega ta trece cune. Si representantenan di Aruba tabata conoce e veredicto promer cu e Maestro di Ceremonia a accepte, mester a nengue di antemano y asina evita cu Aruba lo a participa na un comedia di presentacion di resultado.

Mientras despues di e sucesonan di e promer Festival di ABC, ora mescos a pasa cu Aruba, a haya toch cu mester sigui participa, awor mester comprende cu tur esnan cu tabata contra pa ABC keda un Festival cu premio, a haya razon. Pero aparentemente mester a dal dede dos bez y soporta humiliacion dos bez, promer cu a comprende kico e postura mester ta. Si bo mes no fiha bo propio valor, otronan lo no hacie pa bo. Si for di despues di e promer Festival di ABC, nunca mas Aruba mester a participa, awor tin doble motibo pa keda cas.

E Festival di ABC e aña aki a keda e topico cu a sobrebibi Carnaval. E resultado tabata sigur un motibo di indignacion popular. Pero discutible ta keda tambe e formula unico cu a aplica, di laga number uno bay contra number uno, etc., loke a habri mas caminda pa wega.

Carnaval a caba. Ta keda atras e recuerdonan y uno di nan ta keda e Festival di ABC, un competencia cu a termina cu un resultado, cu a corta futuro di e Festival si e musiconan kier respeta nan mes y nan pais y no bolbe yega na un compromiso manera biaha pasa. Ademas nos ta kere cu ta na su lugar, pa atende e asunto aki tambe cu e Asociacionnan di Musiconan di Curacao y Bonaire y exigi un splicacion por escrito y puntra ki paso a tuma of lo bay tuma. Para scucha un veredicto, keda sin lanza un protesta oficial, djis papia, no ta yuda. Ora ta trata di honor, mester lanta para y demanda respet.

Atardi informativo na BNA y YMCA

ORANJESTAD (AAN) Recientemente e sistema di cobranza automatiza na Ontvanger a ser poni den funcion. E sistema aki, cual yama G.O.A. (Geautomatiseerde Ontvangers Administratie), automatizacion administrativo di Oficina di Ontvanger, tambe ta trece cune cambianan pa dunadonan di trabao en conexion cu e retencion di cobranzan ariba salario y listanan di cobranza.

E respectivo dunadonan di trabao a ser informa mientras tanto di e cambianan aki por escrito.

Aunque cu e dunadonan di trabao por acudi na e Oficina di Ontvanger pa eventual preguntanan (31800 tst 107/110), Ontvanger a dicidi di organisa asina mes dos atardi informativo. Aruba Diarazon 13 di Februari 1991 pa 2 or di merdia dunadonan di trabao por acudi na Biblioteca Nacional na Oranjestad, mientras cu ariba Diabierna 15 di Februari 1991, tambe pa 2 or di merdia, pa obtene informacion necesario den edificio di YMCA San Nicolas.

Bunita gesto di Women's Club

ORANJESTAD (AAN): Awe ta dia di San Valentino, y ki dia lo ta mihor pa expresa bo amor y cariño pa muchanan cu awe mes! Pa tal motibo Aruba Women's Club en cooperacion cu De Palm Tours tin planea un "Valentine's Trip" pa e muchanan di Imelda Hof.

Cu e dia di placer aki, e miembronan di e club activo aki ta spera di por expresa nan sentimento y amor pa e muchanan aki.

Segun DIARIO a compronde, pa 3'or di atardi nan lo bishita Palm Island.

CARNIVAL IN ARUBA 1991

Tres den un: Lighting Parade, Parada di mucha y parada grandi.
Grabacion profesional riba BETA of VHS y tambe den e sistema PAL pa Europa.

PRO-VIDEO
Tel: 26383 - 34031.

Wendy's

We need dynamic and enthousiastic males and females as :
MANAGEMENT TRAINING

We offer :
Pleasant working enviroment
Training
Excellent benefits Package

Please apply in person during office hours from Monday thru Friday 9:00 am to 12:00 noon and 1:00 pm to 5:00 pm

WINDOW UNITS 220v/60Hz
"COLD POINT" CASH

Afls.: 995,=

11.800 btu's Afl.995,00	19.500 btu's Afl.1.365,00
13.000 btu's Afl.1.040,00	21.200 btu's Afl.1.420,00
14.000 btu's Afl.1.125,00	23.300 btu's Afl.1.520,00
18.400 btu's Afl.1.320,00	27.500 btu's Afl.1.650,00

Economico, silencioso, completamente galvanisa, garantia completo. No tin miho! Obtenible for di stock.

KOEL TECHNISCH BEDRIJF ARUBA N.V.
Tanki Leendert 158-G
Tel.: 22828/38521

ROB TIRE CENTER

Sabana Grandi 2 - Sta. Cruz. - Tel: 26688

TIRE SEGUNDA MANO

Rob ta invita un y tur pa bin mira e surtido grandi cu e tin pa ofrece: TUR MARCA, TUR SIZE, SMALL Y HANCHO.

Tambe Rob tin un surtido grandi di riem segunda mano.

Tire pa truck. Size 16/825-20/900-20/1000-20.

Pasa libremente pa mas informacion of dal nos un call!

Lucor Jewelers

Regalo
Dia di los enamorados

Valentine
20 % descuento